



Na osnovu člana 65. i 66. stav 4. Zakona o pravima, obavezama i odgovornostima pacijenata („Službene novine Federacije Bosne i Hercegovine“, broj: 40/10), člana 14. Zakona o zdravstvenoj zaštiti („Službene novine Federacije Bosne i Hercegovine“, broj: 46/10), člana 5. Odluke o osnivanju Zdravstvenog savjeta na nivou općine Lukavac („Službeni glasnik općine Lukavac“, broj: 1/17) i člana 9. Statutarne odluke o organizaciji Grada Lukavac u skladu sa Zakonom o Gradu Lukavac („Službeni glasnik grada Lukavac“, broj: 1/22), Gradonačelnik, r a s p i s u j e

### PONOVLJENI JAVNI POZIV

za prikupljanje prijave za imenovanje članova Zdravstvenog savjeta na nivou Grada Lukavac iz reda predstavnika udruženja za zaštitu prava pacijenata i Gradskog vijeća

#### I

Gradonačelnik Grada Lukavac raspisuje Javni poziv za prikupljanje prijave za imenovanje članova Zdravstvenog savjeta na nivou Grada Lukavac i to jednog (1) člana predstavnika udruženja za zaštitu prava pacijenata i jednog (1) člana predstavnika Gradskog vijeća, u svrhu popunjavanja mjesta u Zdravstvenom savjetu, a u cilju ostvarivanja mjera društvene brige za zdravlje građana i ostvarivanje i unapređenja prava pacijenata.

#### II

Mandat članova Zdravstvenog savjeta traje 2 (dvije) godine.

#### III

Zdravstveni savjet obavlja slijedeće poslove:

- predlaže i evaluira sprovođenje zdravstvene zaštite na području grada Lukavac;
- daje mišljenje na planove i programe zdravstvene zaštite za područje grada Lukavac, te predlaže mjere za poboljšanje dostupnosti kvaliteta zdravstvene zaštite na području grada Lukavac;
- prati primjenu propisa na području grada koji se odnose na zaštitu prava i interesa pacijenata;
- organizuje obrazovne kurseve za građanstvo iz poznavanja materije o pravima pacijenata i postojeće legislative;
- daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama;
- prati povrede pojedinačnih prava pacijenata na području grada Lukavac;
- predlaže poduzimanje mjera za zaštitu i unapređenje prava pacijenata na području grada;
- bez odgađanja obavještava Zdravstveni savjet u kantonalnom Ministarstvu o slučajevima teških povreda prava pacijenata koje mogu ugroziti život ili zdravlje pacijenata;
- podnosi Gradskom vijeću, Gradonačelniku i kantonalnom Ministarstvu godišnji izvještaj o svom radu;
- obavještava javnost o povredama prava pacijenata;
- obavlja i druge poslove u skladu sa Zakonom o zdravstvenoj zaštiti i Zakonom o pravima, obavezama i odgovornostima pacijenata.

Zdravstveni savjet donosi Poslovnik o svom radu kojim se bliže uređuje organizacija i način rada.



## V

Pravo učešća na Javnom pozivu za imenovanje u Zdravstveni savjet na nivou grada Lukavac imaju osobe zdravstvene i nezdravstvene struke sa prebivalištem na području grada Lukavac, koje imaju minimalno 3 (tri) godine iskustva u instituciji, ustanovi, udruženju, nevladinoj organizaciji ili zdravstvenom sindikatu koji je kandidiraju, te da imaju ugled i evidentne rezultate u oblasti u kojoj djeluje.

Kandidati su za pozicije iz tačke I ovog Javnog poziva dužni uz prijavu dostaviti i ovjereno pismo preporuke kako slijedi:

- Za predstavnika udruženja za zaštitu prava pacijenata pismo preporuke jednog od registriranih udruženja za zaštitu pacijenata, zdravlja ili životne sredine koje imaju organizacije ili članstvo na području grada Lukavac.
- Za predstavnika Gradskog vijeća fotokopija uvjerenja o statusu vijećnika.

Pravni ili fizički subjekti koji daju pisma ili potpise preporuke mogu dati preporuke za više kandidata.

## VI

Obrazac prijave kandidati mogu preuzeti u Šalter sali Grada Lukavac ili na službenoj web stranici Grada.

Uz prijavu kandidati su dužni dostaviti:

- Potvrdu o mjestu prebavilašta,
- Dokaz o stručnoj spremi,
- Dokaz o iskustvu iz člana V ovog Javnog poziva,
- Biografiju sa pregledom toka obrazovanja i stručnog angažmana, podacima o uspjesima, nagradama, objavljenim radovima ili publikacijama, članstvu u stručnim i drugim udruženjima i slično,
- Originalno pismo preporuke ili podrške iz člana V ovog Javnog poziva.

## VII

Nakon isteka roka za prikupljanje prijave, Gradonačelnik će izvršiti izbor i Rješenjem imenovati članove Zdravstvenog savjeta na nivou Grada Lukavac. Rješenje će biti objavljeno u „Službenom glasniku Grada Lukavac“.

## VIII

Javni poziv će biti objavljen u medijima, oglasnoj tabli Grada Lukavac i web stranici Grada Lukavac: [www.lukavac.ba](http://www.lukavac.ba) i ostaje otvoren 15 (petnaest) dana od dana objave.

Broj: 02-33-2383/23  
Lukavac, 05.06.2023.godine



**GRADONAČELNIK**

dr. sc. Edin Delić